



Univerzitet u Sarajevu
Služba za međunarodnu saradnju
Izvještaj o međunarodnoj saradnji
2023

1 UVOD

U toku 2023. godine Univerzitet u Sarajevu je uspješno nadmašio predpandemijske brojke kada je u pitanju međunarodna odlazna i dolazna mobilnost. Služba za međunarodnu saradnju Univerziteta u Sarajevu (dalje u tekstu Služba), uz podršku nadležne prorektorice, a u saradnji sa prodekanima/icama, koordinatorima/icama i saradnicima/icama za međunarodnu saradnju na članicama ovog univerziteta, te kroz svakodnevnu komunikaciju i implementaciju aktivnosti sa inostranim akterima i visokoobrazovnim institucijama doprinijela je kvalitetnoj internacionalizaciji visokoobrazovnog prostora na nacionalnom, regionalnom, evropskom i međunarodnom polju. Organizacijom **međunarodnih dešavanja** (međunarodni staff week, međunarodni sajam stipendija), učešćem u međunarodnim konferencijama (konferencija UNICA, međunarodni seminar u Rimu), koordiniranjem međunarodne dolazne i odlazne mobilnosti, uspostavljanjem saradnje kroz bilateralne sporazume, administracijom projektnih prijava na programe finansirane iz EU izvora, te promocijom međunarodnih poziva za dostavljanje projektnih prijava, svi pomenuti akteri omogućavaju implementaciju procesa internacionalizacije u oblasti visokog obrazovanja gdje se Univerzitet u Sarajevu prepoznaje kao atraktivni i punopravni partner u mnogim međunarodnim programskim i projektnim pozivima. Redovno **Vijeće prodekana i koordinatora** je nastavilo sa svojim aktivnim radom (sastanci jednom mjesečno), te su sve donešene odluke i smjernice doprinijeli kvalitetnom održavanju međunarodnih aktivnosti i dešavanja na Univerzitetu u Sarajevu. Služba je, zajedno sa prodekanima i koordinatorima za međunarodnu saradnju aktivno učestvovala u izradi, javnim raspravama i konsultacijama kada su u pitanju dokumenti kojim se reguliše međunarodna mobilnost (**Pravilnik o mobilnosti 2.0**). Nova **strategija za internacionalizaciju za period 2024-2028** nastavlja kreiranje i uspješan rad univerzitetske platforme za internacionalizaciju našeg univerziteta. Set indikatora koji su uspostavljeni u prethodnoj strategiji (2019-2023) nam je dala vrijedne informacije na osnovu kojih je analiziran uspjeh, prednosti i nedostaci, i kreirana nova strategija. Zahvaljujući naporima ove Službe, Univerzitet u Sarajevu je potpisao **Erasmus povelju o visokom obrazovanju 2021-2027** čime je potvrdio ulogu ravnopravnog partnera i aktivno učešće na polju evropskog visokog obrazovanja i osigurao učešće u programima finansiranim iz EU fondova, kao što je Erasmus+. Dodatnu snagu i važnost našeg univerziteta data je ulaskom u **Evropsku alijansu univerziteta EUPeace** koja omogućava udruživanje akademskih zajednica širom Evrope i potiče kolaborativne i multidisciplinarnе pristupe u radu, istraživanju i studiranju.

2 POKRETAČI I NOSIOCI MEĐUNARODNE SARADNJE

• 2.1. Služba za međunarodnu saradnju

Centralni ured ili Služba za međunarodnu saradnju je i dalje aktivni nosilac međunarodnih aktivnosti Univerziteta u Sarajevu, bilo da je riječ o aktivnostima na samom Univerzitetu i/ili aktivnostima koje se realiziraju tokom boravka delegacija UNSA izvan Bosne i Hercegovine.

• 2.2. Prodekani/ice, koordinatori/ce i saradnici/ce za međunarodnu saradnju na (pod)organizacijskim jedinicama Univerziteta u Sarajevu

Na članicama Univerziteta u Sarajevu (pored direktnih učesnika mobilnosti – studenata i osoblja) nosioci međunarodnih aktivnosti su prodekani/ce, koordinatori/ce i stručni saradnici/ce za međunarodnu saradnju. Djelujući individualno na svojim jedinicama Univerziteta u Sarajevu ili zajednički na nivou univerziteta, neupitan je aktivan angažman i želja da se institucionalizira internacionalizacija ovog ustanove, sa fokusom na proces *internationalizacije-kod-kuće*.

- **2.3. Odbor za međunarodnu saradnju**

Odbor za međunarodnu saradnju je imenovan kao stručno i savjetodavno tijelo Senata UNSA sa devet članova (po jedan predstavnik svake grupacije nauka/umjetnosti iz reda nastavnika/saradnika, predstavnik Službe za međunarodnu saradnju, predstavnik Studentskog parlamenta i prorektor za međunarodnu saradnju) a koje doprinosi aktivnim procesima internacionalizacije ove ustanove.

- **2.4. Studenti, nastavno/naučno/umjetničko i nenastavno osoblje**

Studenti i univerzitetsko osoblje Univerziteta u Sarajevu (nastavno, naučno, istraživačko, umjetničko i nenastavno) su aktivni učesnici u procesima internacionalizacije.

3 UGOVORI

Trenutno, Univerzitet u Sarajevu, zajedno sa svim svojim članicama ima **319 aktivnih bilateralnih međunarodnih sporazuma**, od čega se **172** odnosi na bilateralne memorandume o saradnji. U toku 2023. godine potpisano i/ili produženo je **23** bilateralnih sporazuma, dok je inicirana saradnja sa njih **4**. Univerzitet u Sarajevu njeguje saradnju sa mnogim visokoobrazovnim institucijama širom Evrope, Amerike, Afrike, Bliskog i Dalekog Istoka kroz različite programe, projekte, asocijacije, kao i kroz bilaterlanu saradnju. Kako smo u posljednje vrijeme svjedoci kršenja osnovnih ljudskih prava i unutar akademskih zajednica, s ciljem zaštite ugleda Univerziteta u Sarajevu, i cjenjeći ulogu i značaj akademske zajednice u promociji procesa mira, prorektorica za međunarodnu saradnju prof. dr. Enita Nakaš je inicirala dopunu Memoranduma u razumijevanju na način da se doda sljedeći tekst: *Obje institucije se pridržavaju člana 2. Univerzalne deklaracije o ljudskim pravima (UDHR) i ne diskriminiraju na osnovu rase, boje, pola, jezika, vjere, političkog i drugog mišljenja, nacionalnog ili društvenog porijekla, imovine, rođenja ili drugog statusa.*

Kada su u pitanju Erasmus+ sporazumi za međunarodnu kreditnu mobilnost studenata i osoblja, u 2023. godini smo imali aktivnih **147** sporazuma koji su omogućili finansijsku podršku za međunarodnu mobilnost studenata i osoblja tokom 2023. godine.

- Lista aktivnih bilateralnih i Erasmus KA171 sporazuma dostupna je na <https://www.unsa.ba/istrazivanje-i-saradnja/medunarodna-saradnja/bilateralni-sporazumi-o-saradnji>.


4 MEĐUNARODNE MREŽE I ČLANSTVA

Mreže i asocijacije predstavljaju najčešće konzorcij visokoobrazovnih institucija u cilju uspostavljanje zajedničke saradnje i izgradnje kapaciteta kroz organizovanje različitih dešavanja i pokretanjem projekata. Članstvom u međunarodnim mrežama i asocijacijama jačaju se evropske i svjetske istraživačke institucije i doprinosi razvoju međunarodnog profila institucije. Univerzitet u Sarajevu, zajedno sa svojim članicama je član **30** međunarodnih organizacija i mreža. U cilju nastavka prepoznatljivosti našeg univerziteta na evropskoj ali i međunarodnoj sceni, Služba je pripremila projektne prijave za članstva u nekoliko međunarodnih mreža u okviru Javnog konkursa za finansiranje/sufinansiranje naučnoistraživačkih i istraživačko-razvojnih projekata u Federaciji Bosne i Hercegovine u 2022. godini - IUC Dubrovnik, UNICA, Uniadrion, AUF, Santander group, EUA, DRC, AARC.

- Pregled svih mreža je dostupan na <https://www.unsa.ba/istrazivanje-i-saradnja/medunarodna-saradnja/mreze-i-asocijacije>.


5 MEĐUNARODNA MOBILNOST

Mobilnost predstavlja međunarodnu aktivnost gdje se studentima omogućava da dio studijskog programa (jedan ili više semestara) provedu na nekom stranom univerzitetu, dok se univerzitetskom osoblju omogućava profesionalno usavršavanje kroz kraći boravak na partnerskim univerzitetima. Standardne aktivnosti Službe na početku svakog semestra, ali i u toku, podrazumijevaju organizovanje informativnih dana, radionica i sesija, online promociju putem web stranica i društvenih mreža, posjete potencijalnih kandidata uredima, organizovanje sastanaka i dr. Također, nakon promocije podrazumijeva se i aktivno učešće potencijalnih kandidata u pripremanju i prikupljanju dokumenata, te obezbjeđivanju potrebnih potpisa od strane odgovornih osoba (dekana i prodekana).




• 5.1. Odlazna mobilnost

Ukupno **749** studenata i osoblja Univerziteta u Sarajevu je iskoristilo priliku za međunarodnu mobilnost na inostranim visokoobrazovnim institucijama u toku 2023. godine u svrhu studijskog i/ili profesionalnog usavršavanja. Od ukupnog broja, najveći broj su studenti – **361**, nastavnog osoblja u svrhu držanja predavanja **194**, te boravak nastavnog i nenastavnog osoblja u svrhu profesionalnog usavršavanja **194**.



- **5.2. Dolazna mobilnost**

Univerzitet u Sarajevu je u toku 2023. godine bio domaćin za **457** inostranih studenata i osoblja, od čega **125** studenata, **172** nastavnog osoblja koje je došlo u svrhu držanja predavanja na Univerzitetu u Sarajevu, te **160** članova nastavnog i nenastavnog osoblja u svrhu studijskog i/ili profesionalnog usavršavanja. Tokom održavanja devetog i desetog staff weeka, naš univerzitet je bio domaćin za njih ukupno **90** članova nastavnog i nenastavnog osoblja koji su uzeli aktivno učešće u programu našeg događaja.



6 MEĐUNARODNI PROJEKTI

- **6.1. Erasmus+**

Izvršna agencija (EACEA) je krajem novembra 2022. godine otvorila poziv za dostavljanje projektnih prijava finansiranih iz EU fondova (Erasmus+) sa rokom za dostavljanje prijave u februaru 2023. godine. Tim povodom Nacionalni Erasmus+ ured u BiH je organizovao dvodnevnu informativnu sesiju (online) u cilju promocije međunarodne dimenzije u polju visokog obrazovanja. Kao i svake godine, Služba za međunarodnu saradnju je još početkom akademske

2022/2023. godine pripremila vodič o **Uputstvo za pripremanje projektne prijave Univerziteta u Sarajevu za Erasmus+ poziv** koje sadrži podatke o Erasmus+ programu, rokovima i načinu prijave za pojedine ključne aktivnosti, te je izrađen popratni materijal kako bi se olakšala komunikacija sa Rektoratom radi dostavljanja potpisane i pečatom ovjerene dokumentacije u toku prijave. Na ovogodišnjem konkursu za dostavljanje projektnih prijedloga kroz međunarodni obrazovni program Erasmus+, članice našeg univerziteta inicirale su učešće u ukupno **85** projektnom prijedlogu, od čega su:

- Međunarodna kreditna mobilnost – 41
- Izgradnja kapaciteta – 23 (1 koordinatorski)
- Erasmus Mundus Zajednički master Studij/Design Measures – 3
- Saradničko partnerstvo – 6
- Sport – 2
- Jean Monnet – 1
- Evropski univerziteti/alijansa – 5
- Virtualna razmjena – 3
- Erasmus povelja u visokom obrazovanju – 1

Rezultati

Rezultati su bili dostupni tek krajem ljeta, a Univerzitet u Sarajevu je ostvario učešće u 4 projekta izgradnje kapaciteta, kao i u mnogim projektima međunarodne mobilnosti. Svakako najznačajniji su Erasmus povelja o visokom obrazovanju 2021-2027 i ulazak u Alijansu evropskih univerziteta EUPeace.

Erasmus Povelja u visokom obrazovanju 2021-2027 (ECHE)

Slijedom višegodišnje dobre prakse Službe za međunarodne saradnje kao i uspješnom pripremljenom i odlično ocjenjenom projektnom prijavom, Evropska komisija dodijelila je Univerzitetu u Sarajevu Erasmus Povelju u visokom obrazovanju 2021-2027 (ECHE). Ova povelja ne samo da potvrđuje dosadašnji kvalitet međunarodne saradnje nego i otvara vrata za učešće u različitim Erasmus+ aktivnostima, i također naglašava našu posvećenost digitalizaciji, inkluziji i održivosti u oblasti visokog obrazovanja. Dodjela Erasmus Povelje u visokom obrazovanju predstavlja potvrdu kvalitete procesa rada i priznanje za kontinuirani rad na unapređenju kvaliteta obrazovanja. Ova povelja dodatno će ojačati poziciju Univerziteta u Sarajevu kao ključnog aktera međunarodne saradnje i otvoriti nove mogućnosti za razvoj.

- Web: <https://www.unsa.ba/istrazivanje-i-saradnja/medunarodna-saradnja/erasmus-plus>

EUPeace alijansa – konzorcij univerziteta

Univerzitet u Sarajevu se ponosi svojom dugom tradicijom međunarodne saradnje, sa posebnim naglaskom na promociju mira, pravde i inkluzivnosti. Dugogodišnji rad Univerziteta na ovom polju sada je dodatno naglašen kroz pripadnost EUPeace alijansi. Ova alijansa predstavlja našu posvećenost miru i inkluzivnosti te zajednički rad na unapređenju kulture dijaloga. Nastoji poticati inkluzivna društva, potičući međusobno razumijevanje i osjećaj pripadnosti unutar zajednice. Udruživanje akademskih zajednica potiče kolaborativne i multidisciplinarnе pristupe rješavanju sukoba, dok dijeljenje znanja s lokalnim zajednicama konkretno utječe na društvenu dobrobit. Kroz ovu saradnju, Univerzitet u Sarajevu aktivno doprinosi izgradnji mira i promociji vrijednosti koje su od suštinskog značaja za društvo u BiH i šire. Alijansu uz Univerzitet u Sarajevu čine Univerzitet Marburgu (Njemačka), Univerzitet Giessen (Njemačka), Comillas Ponteficia Univerzitet (Španija), Çukurova Univerzitet

(Turska), Sveučilište u Mostaru (BiH), Calabria Univerzitet (Italija), Univerzitet Limoges (Francuska), West Bohemia Univerzitet (Češka Republika).

- Web: <https://www.unsa.ba/eupeace>

7 OSTALI MEĐUNARODNI PROJEKTI I DEŠAVANJA

U toku 2022. godine, na Univerzitetu u Sarajevu je održano ukupno **256** međunarodna događaja. Broj online organizovanih događaja je iznosio **13**, hibridno (uživo i online) **6**, dok je broj događaja uživo bio **237**. Kada je u pitanju vrsta događaja, prednjače konferencije, kongresi, simpoziji i tribine (**84**), posjete (**56**), predavanja, radionice, seminari te okrugli stolovi (**103**). Održano je i **10** međunarodnih (zimskih ili ljetnih) škola, sajмова i samita, te **6** umjetničkih i sportskih manifestacija.

7.1. Međunarodne sedmice obuke osoblja (Staff week)

Univerzitet u Sarajevu, po uzoru na mnoge evropske univerzitete organizira aktivnosti u cilju što bolje promocije programa mobilnosti kao što je Erasmus+, te povećanja međunarodne dolazne i odlazne mobilnosti studenata, nastavno/naučnog i nenastavnog osoblja u cilju profesionalnog usavršavanja i akademskog napredovanja, kao i sticanja međunarodnog iskustva. U cilju aktivne promocije Erasmus programa i umrežavanja Univerziteta u Sarajevu sa visokoobrazovnim institucijama širom Evrope, Služba za međunarodnu saradnju Univerziteta u Sarajevu organizirala je **Devetu** (3-7. juli 2023.) i **Desetu** (23-27. oktobar 2023.) međunarodnu sedmicu obuke za inostrano nastavno i nenastavno osoblje. Tim povodom, Univerzitet u Sarajevu je tokom Devete sedmice bio domaćin 70 učesnika, predstavnika 39 visokoobrazovnih institucija iz 13 zemalja (Belgije, Hrvatske, Češke Republike, Njemačke, Mađarske, Italije, Lihtenštajna, Litvanije, Poljske, Portugala, Rumunije, Španije i Turske) i tokom Desete sedmice bio domaćin za 24 učesnika, predstavnika 12 visokoobrazovnih institucija iz 8 zemalja (Hrvatske, Finske, Francuske, Njemačke, Litvanije, Portugala, Rumunije i Španije). Univerzitet u Sarajevu, po uzoru na mnoge evropske univerzitete organizira aktivnosti u cilju što bolje promocije programa mobilnosti kao što je Erasmus+, te povećanja međunarodne dolazne i odlazne mobilnosti studenata, nastavno/naučnog i nenastavnog osoblja u cilju profesionalnog usavršavanja i akademskog napredovanja, kao i sticanja međunarodnog iskustva. Teme ovogodišnjih *Staff week-ova* je strateško planiranje internacionalizacije u okviru programa Erasmus+, kao i izazovi koje Erasmus koordinatori imaju prilikom implementiranja međunarodnih mobilnosti. Na ovaj način, na jednom mjestu kreirali smo prostor i platformu za razmjenu mišljenja i informacija o najboljim praksama u prevazilaženju prepreka u međunarodnim dolaznim i odlaznim mobilnostima.

- Web: <https://www.unsa.ba/istrazivanje-i-saradnja/medunarodna-saradnja/sedmica-obuke-osoblja-staff-week>

7.2. Trinaesti sajam stipendija

Služba za međunarodnu saradnju Univerziteta u Sarajevu, u saradnji Ambasdom Republike Francuske, Campus France i Francuskim institutom, te uz podršku Ministarstva za nauku, visoko obrazovanje i mlade Kantona Sarajevo, organizovala je 13. Sajem stipendija, koji je održan u srijedu, 25. oktobra 2023. godine u prostorijama Rektorata Univerziteta u Sarajevu. Sajem je otvorio prof. dr. Rifat Škrijelj, rektor Univerziteta u Sarajevu, naglasivši da Univerzitet u Sarajevu, putem svoje Službe za međunarodnu saradnju, ponosno organizuje ovaj sajam već 13 godina s ciljem da promovira obrazovanje i pruži informacije o mogućnostima koje naši studenti imaju u inostranstvu. „U proteklih pet akademskih godina, poslali smo preko 1500 studenata, nastavnog i nenastavnog osoblja Univerziteta u Sarajevu na partnerske visokoobrazovne institucije, a bili smo domaćini za preko 800 inostranih studenata i

univerzitetskog osoblja. Najzastupljeniji program je svakako Erasmus+ u kojem naš univerzitet potpisuje sporazume sa 230 visokoobrazovnih institucija“, naveo je rektor Škrijelj, izrazivši zadovoljstvo što je Univerzitet u Sarajevu danas domaćin predstavnicima institucija iz 18 zemalja. Cilj Sajma stipendija bio je da okupi sve institucije koje dodjeljuju i/ili administriraju stipendije ili dodjeljuju druge vrste finansijske podrške za studiranje u BiH i inostranstvu, te da im omogući da predstave svoje programe stipendiranja i finansijske podrške i da prilikom posjetiocima da sve informacije o mogućnostima stipendiranja daljnjeg obrazovanja u BiH ili u inostranstvu dobiju na jednom mjestu. Ove godine su predstavljeni programi stipendiranja koji su dostupni našim studentima, nastavno/naučnom i nenastavnom osoblju, kao i onima koji žele nastaviti školovanje, profesionalno se usavršavati ili se dodatno obrazovati u inostranstvu. Najviše izlagača (institucija i univerziteta) koji su predstavili svoje programe finansiranja dolazi iz Republike Francuske. Jedan od ciljeva Sajma je i intenziviranje saradnje i povezivanja akademske zajednice Univerziteta u Sarajevu sa akademskom zajednicom Republike Francuske. Važnost 13. Sajma stipendija prepoznalo je 55 izlagača iz 18 zemalja.

1. Aalto Univerzitet, Finska
2. ADA Univerzitet, Azerbejdžan
3. Agencija ISEM, Crna Gora
4. AIESEC u BiH
5. Ambasada Republike Češke u BiH
6. Ambasada Francuske, Campus France i Francuski institut u BiH
7. Ambasada Grčke u BiH
8. Ambasada Italije u BiH
9. Ambasada Japana u BiH
10. Ambasada Mađarske u BiH
11. Ambasada SAD u BiH
12. Ambasada Turkiye u BiH
13. BH Futures Foundation
14. BRAVO
15. Bundeswahr univerzitet u Minhenu, Njemačka
16. CEEPUS
17. Columbus Travel and Consulting
18. ESCE, Francuska
19. ESFAM, Francuska
20. ESSCA, Francuska
21. Experience Work and Travel
22. Grenoble Ecole de Management, Francuska
23. Grigore T. Popa Univerzitet za medicinu i farmaciju u Jašu, Rumunija
24. Homework HUB
25. Humanity in Action BiH
26. Ideas Work and Travel
27. Jagiellonski Univerzitet u Krakovu, Poljska
28. Katolički univerzitet u Valensiji, Španija
29. Konrad Adenauer Fondacija
30. LAB Univerzitet primjenjenih nauka, Finska
31. Inkubator društvenih inovacija "MUNJA"
32. Nacionalna akademija muzike "Gheorghe Dima", Rumunija
33. Nacionalni Erasmus+ ured u BiH
34. Nikolaus Copernicus Univerzitet u Torunu, Poljska
35. Study in Austria
36. Philipps Univerzitet u Marburgu, Njemačka

37. Politehnički institut Santarem, Portugal
38. Politehnički institut Viana do Castelo, Portugal
39. Stiftung Schüler Helfen Leben
40. Program stipendija njemačke privrede za zemlje Zapadnog Balkana
41. STUDOMAT
42. Sveučilište u Zagrebu, Hrvatska
43. BH Asocijacija turskih alumnijsa - TUMED
44. Univerzitet Centrale Nantes, Francuska
45. Univerzitet Claude Bernard Lyon 1, Francuska
46. Univerzitet Grenoble-Alpes, Francuska
47. Univerzitet Sciences Po, Francuska
48. Univerzitet u Poitiersu, Francuska
49. Univerzitet u Sarajevu
50. Univerzitet u Valladolidu, Španija
51. US Education
52. US JIM Work and Travel
53. VII Academy
54. Viktori Travel
55. Vytautas Magnus Univerzitet, Litvanija

7.3. UNICA: Pripremamo univerzitete budućnosti: (Obnova) izgradnja inkluzivnih i održivih kampusa

Kako bi pokrenula pravi i konstruktivan razgovor o temi organizacije univerziteta u budućnosti, UNICA zajedno sa Univerzitetom u Sarajevu je organizirala događaj „Pripremamo univerzitete budućnosti: (Obnova) izgradnja inkluzivnih i održivih kampusa“ 25-26. aprila 2023. godine u Sarajevu. Događaj je imao za cilj da inicira diskusiju ali i predstavljanje očekivanja akademske zajednice u budućnosti kroz studije o praksi održivog dizajna multimodalnog kampusa koji se implementira na UNICA univerzitetima. Učesnici su imali priliku saznati više o saradnji između različitih aktera (vladinog i nevladinog sektora, investitora i sl.) kako bi se uspješno uključili u ove transformacije. Bilo je riječi i o tome kako odgovoriti na različita očekivanja prema univerzitetskom kampusu, strategijama uvođenja interdisciplinarnih istraživačkih objekata, multifunkcionalnih javnih prostora, menzi, biblioteka, hibridnih i fleksibilnih učionica i kancelarija, inovativnih ekosistema, inkluzivnih rezidencijalnih rješenja i drugih usluga kampusa na jednom mjestu.

- Web: <https://www.unsa.ba/novosti/završena-konferencija-pripremamo-univerzitete-buducnosti-obnova-izgradnja-inkluzivnih-i>

7.4. Humans of Erasmus

Povodom obilježavanja Erasmus dana širom Evrope u periodu od 9. do 14. oktobra 2023. godine, u utorak 10. oktobra 2023. godine **Univerzitet u Sarajevu**, u saradnji sa **Europe House i Western Balkans Alumni Asocijacijom**, organizovao je projekciju filma "Humans of Erasmus" – video putovanje kroz region Zapadnog Balkana i priče o Erasmus+ iskustvima stipendista ovog programa čija je autorica gospođa Naida Hodžić. Promocijom filma *Humans of Erasmus*, kroz 20-minutno prikazivanje dobili smo uvid u doživljaje 15 studenata iz zemalja Zapadnog Balkana (Albanije, Bosne i Hercegovine, Crne Gore, Kosova*, Sjeverne Makedonije i Srbije) koji su kroz različita pitanja od strane autorice opisivali svoje Erasmus iskustvo. Zajednički zaključak kod svih bio je isti: Erasmus mobilnost se mora proći i ne smije se propustiti jer čini život kvalitetnijim. Nakon projekcije filma, uslijedio je razgovor sa autoricom, gospođom Naidom Hodžić koja nas je upozнала sa nastankom ideje o filmu na osnovu iskustava vlastite Erasmus mobilnosti, pisanjem projekta kroz WBAA poziv,

realizaciju projekta, poteškoće i izazove na koje su ona i njen tim naišli, te sa planovima za naredni period. Tokom razgovora, publika je imala priliku da postavlja pitanja i o radu na filmu, a na kraju je i publika dobila priliku da kroz „lopticu“ odgovori na pitanja koji im je bio najveći izazov tokom Erasmusa (za one koji su bili stipendisti), te koja su očekivanja od Erasmusa (za one koji još nisu bili na razmjeni). Sesija je završena druženjem i umrežavanjem u cilju daljnje promocije programa, kao i promocije filma i Erasmus+ programa širom Bosne i Hercegovine.

- Web: <https://www.unsa.ba/novosti/promoviran-film-humans-erasmus-u-okviru-obilježavanja-erasmus-dana>

7.5. HERE Seminar: „U susret Ministarskoj konferenciji u Tirani 2024: Implikacije i interesne tačke za visokoobrazovne sisteme partnerskih zemalja u susjedstvu EU“

HERE seminar pod nazivom "U susret Ministarskoj konferenciji u Tirani 2024: Implikacije i interesne tačke za visokoobrazovne sisteme partnerskih zemalja u susjedstvu EU" održan je 7. i 8. novembra 2023. godine na Univerzitetu u Sarajevu. Seminar je organizovala SPHERE inicijativa, a okupio je visokoobrazovne eksperte, predstavnike nacionalnih ministarstava, rukovodstva visokoobrazovnih institucija i studentske predstavnike iz različitih zemalja. Seminar je bio posvećen panel diskusijama i radionicama na temu trenutnog stanja Bolonjskog procesa, perspektivama i angažmanu studenata, Greening u visokom obrazovanju. Diskutovalo se o ključnim pitanjima kao što su implementacija trocikličnog terciarnog obrazovnog sistema, priznavanje studijskih perioda i diploma u skladu sa Lisabonskom konvencijom o priznavanju diploma i kvalitetu obrazovanja u Evropskom prostoru visokog obrazovanja. Ovaj seminar je pružio važnu platformu za razmjenu ideja i iskustava, te doprinio razumijevanju aktuelnih izazova i budućih smjerova u evropskom visokom obrazovanju uoči Ministarske konferencije u Tirani 2024. godine.

- Web: <https://unsa.ba/novosti/here-seminar-u-susret-ministarskoj-konferenciji-u-tirani-2024-implikacije-i-interesne-tacke>